

Class 10 बाइदिमैयानि आसाम
खोन्दो - 3 **Bodo Medium**
नेपाली रावारि गर्खाफोर

1. नेपाली एबा गर्खा सुबुंहान्जानि सुबुंफोरा मा मा सुबुं हान्जानि सुबुंनि गलायमोन्देर?

फिन : नेपाली एबा गर्खा सुबुंहान्जानि सुबुंफोरा आर्य-मंगल आरो किरातनि गलायमोनदेर।

2. लाल म 'हरीया पाण्डा' होनना बुडोब्ला मा मिथियो?

फिन : गोजाम धोरोम बिजाबनि बादिब्ला कामाख्या मन्दिरनि लुफुंगिरि आरो प्रागज्यतिषपुरनि राजा नरकआ आथिखालनि नेपालनि सुनसरी जिलानि बराह मुंनि जायगायाव जोनोम मोनदोंमोन आरो बियो कामाख्या मन्दिराव फुजा खालामहोनो नेपालनिफ्राय फुजारि लाबोदोंमोन। उनाव बिसोरो कामाख्या मन्दिराव ' लालम 'हरीया पाण्डा' महरै मुंदांखा जायो।

3. असम प्रदेश कांग्रेस कमिटिनि गिबि आफादगिरिनि मुडा मामोन?

फिन : असम प्रदेश कांग्रेस कमिटिनि गिबि आफादगिरिनि मुडा सबिलाल उपाध्याय।

4. 'ट्राइबेल बेल्ट एण्ड ब्लक' आव नेपाली रावारि सुबुंफोरा माब्ला सरखाथि थाखो जायगा मोनदोंमोन?

फिन : गपीनाथ बरदलैया गिबि मन्त्रि जाना थानाय समाव 1947
मायथाइयाव दाजानाय 'ट्राइबेल बेल्ट एण्ड ब्लक' आव नेपाली रावारि
सुबुंफोरा गुबुन गुबुन हारि बादि सरखाथि थाखोनि जायगा
मोनदोंमोन।

5. रतिकान्त उपाध्याया सोरमोन आरो बिथाङा बबे बबेयाव सत्र
गायसनलांदोंमोन?

फिन : रतिकान्त उपाध्यायआ शंकरदेबनि सोलोंसामोन। बिथाङा
आथिखालनि तियक आरो नगाव आव नेपाली सत्र गायसनदोंमोन।

6. गर्खा माहारिनि सुबुंफोरा फालिनाय गाहाइ रंजाथाइ फोरबोफोरा
मा मा?

फिन : गर्खा माहारिनि सुबुंफोरा फालिनाय गाहाइ रंजाथाइ
फोरबोफोरा जादों- आइजोफोरा फालिनाय, 'तीज', फोलेरारि
सोमोन्दो गोरा खालामनाय फोरबो 'बड़ा दशै' आरो बिदा-बिनानाव
अनलायनायनि फोरबो 'तिहार' बायदि बायदि।

7. 'जम्बुदीपाव, आर्जवर्तआव, भारतबर्षआव, आसाम फारसे'
होननाय बाथ्रानि गोनांथिया मा?

फिन : आसामनि नेपाली रावारि सुबुंफोरा बोसोरारि बिफानि
सारादुवाव फिन्ददान होयोब्ला मोनथोरजों लोगोसे गावनि थंखौ मुंख
'नानै 'जम्बुदीपाव, आर्जवर्तआव, भारतबर्षआव, आसाम फारसे'
होनना बुङो।

8. सुगौली गोरोबथाया माब्ला जादोंमोन आरो बे गोरोबथा बादि मा
हादोरनि हा-बाहागोआ आरो सुबुं हान्जाया भारतनि सिङाव
हाबफैदोंमोन?

फिन : सुगौली गोरोबथाया 1815-16 मायथाइयाव जादोंमोन। बे गोरोबथानि बादियै नेपालनि नोगोरारिजों भारतनि साहानि नेपालनि गोबां हा-बाहागोआ भारतजों गोरोबलाडो।

9. लिरसुंथाइ लिर:

(क) छबिलाल उपाध्याय

(ख) हरिप्रसाद गर्खा राइ

(ग) दलबीर सिंह ल'हार

फिन : (क) छबिलाल उपाध्याय: 1882 मायथाइनि 12 मे खालि आथिखालनि बिश्वनाथ जिला बुढी गाडाव जोनोम जानाय काशीनाथ उपाध्यायनि फिसाला छबिलाल उपाध्यायनि फसंथानारि सोलोंथाइया गेजेर खलबावनो थाबथाहैयो। नाथाय बिथाडा बयाहह सोलोंथाइनि बोलोजों आरो चन्द्रनाथ शर्मा, घनश्याम बरुवा, लकनायक अमियकुमार दास आरिनि गोहोमाव भारतनि उदांसि दावहायाव बारसोमदोंमोन।

बै समाव बृटिछ सोरखारआ काजिरङ्गनि खाथि खाला थानाय गर्खा आरो मिसिं सुबुंनि मोसौ मैसोनि बाथोनखौ होख्रांहरनो थियारि खालामो। छबिलाल उपाध्यायआ 1919 मायथाइयाव तेजपुराव गायसंजानाय 'असम एछ'सियेसन' नि जथुममायाव बे होख्रांनायनि बेरेखायै बिथांखि दैखाडा आरो बिथांखिया नाजावजायो।

'आसम एछ'सियेसन' जों लोब्बा गोनां 'छबिलाल बाबु' नि आफाद खुंनायाव 1921 मायथाइनि 18 एप्रिलखालि जरहाताव जानाय जथुम्मायाव 'आसम एछ'सियेसन' खौ आसाम प्रदेश कंग्रेछ कमिटि

होनना मुं सोलायनाय जायो। छबिलाल बाबुवा आसाम प्रदेश कंग्रेछ कमिटिनि गिबि आफादगिरि महरै बिसायख 'हरजायो।

1942 मायथाइयाव महात्मा गान्धीनि दैदेननायाव सोलिनाय भारत नागार सोमावसारनायनिफ्राय बिथांखौ आनज्रायना लाखिनो बृटिसआ फिन लुबैथि जासियो। नाथाय उपाध्याया बे गासैखौबो नेवसियो आरो आसामखौ 'चि' ग्रुपाव सोखननाय सोलोखौ गोख्रों हेंथा होयो आरो बिथांनि दैदेननायाव 'अखिल भारतीय गर्खा लिग' नि हांख्रायनायाव तेजपुराव 30 रोजा नेपाली रावारि सुबुंखौ खौसे खालामना जिननानि बे बिथांखिनि बेरेखायै गोहो दिन्थियो।

(ख) हरिप्रसाद गर्खा राइ: नागालेण्डनि राजथावनि कहिमायाव धनराज राइ आरो यशदा राइनि फिसा महरै 1915 मायथाइनि 15 मार्चआव जोनोम मोननाय हरिप्रसाद राइया उनाव गावखौनो हरिप्रसाद गर्खा राइ महरै सिनायथि होदोंमोन। आबाहन मुगानि मुखजाथाव लिरगिरि महरै सिनायजानाय गर्खा राइया धनबाहादुर सनार आरो गबिन्द चन्द्र पैराजजों लोगो नांना थुनलाइ सोरजिनायाव गोसो होयो।

बै त्रिमुर्तिया असमीया बिजोंजों सोलोंथाइ लादोंमोन आरो असमिया राव-थुनलाई सोरजिनायाव मुखुब जादोंमोन। आसाम साहित्य सभानि गिबि आफादगिरि पद्मनाथ गहाइ बरुवानि गोहोम गोग्लैनानै थुनलाइ मुलुगाव आगान खोख्लैनानै गर्खा राइया धनबाहुर सनार आरो गबिन्द चन्द्र पैरानि मददाव आसाम साहित्य शभानि कहिमा दालाइ आफाद दायो। उदां नडिः भारताव हारिमायारि सांग्रांथि आरो जांख्रिखांनाय लाबोनो थाखाय थुनलाइ सोरजिनायखौ बिजों महरै लानाय सुबुंफोरनि गेजेराव गर्खा राइयाबो सासे।

सावरायगिरि गबिन्द प्रशाद अधिकारिनि बादियैब्ला गर्खा राइया 1935 मायथाइयाव असमिया रावनि राजखान्थियारि रायथाइ

लिरदोंमोन। नाथाय बृतिसनि नोजोराव गोग्लैनायनि गिनायजों बे रायथाइखौ बिथाडा - "Psychological Fiction" होनना मुख 'दोंमोन। असमिया आरो नेपालि मोननैबो सवाव थुनलाइ सोरजिग्रा गरखा राइया थार ओंथियाव खौसेथि आरो गोरोबलायनायनि नेरसोनमोन । बिथांनि सल 'फोराव हाजोआरि जनजाति आरो अजनजातिफोरनि सुबुं जिउनि गोरोबलायनायनि सावगारि बेरखांनाय नुनो मोनो।

(ग) दलबीर सिंह लहार: दलबीर सिंह लहारनि जोनोमा 1915 मायथाइयाव 26 जानुवारियाव डिब्रुगढ़ खलिहामारियाव जादोंमोन। बिथांनि बिफानि मुडा अनन्तराम, लहार। 15 बोसोर बैसोआवनो लहारआ हारिमायारि सोमावसारनायाव भलन्टियार हान्जायाव बाहागो लायो आरो 1930 मायथाइयाव कराचीयाव जथुमनाय अखिल भारतारि कंग्रेछ कमिटिनि जथुम्मायाव आसामनि जानानै दैदेनो। लहारआ 1930 मायथाइयाव अनागारि कानिंहाम सार्कुलारनि बेरेखा खालामना दान मोनथाम जोबथेसालियाव थानाडो।

गिनोरोडि आरो उदांस्त्रि मोजां मोनग्रा लहारआ बृतिसनि सुबुं बेरेखा खान्थिनि बेरेखा खालामना फिन 1931-32 मायथाइयाव ददान जोबसालियाव थानांगौ जायो। दांथावि खान्थिखौ फोजोबस्त्रांनो बिथाडा गोख्रों बाहागो लादोंमोन आरो मावमिन हान्जा दानायाव बाहागो लादोंमोन। बिथाडा मावदांसा सोमावसारनायनि दैदेनगिरिमोन आरो ट्रेड इउनियन दानायाव गावखौनो गोसो होथाबदोंमोन।

बिथाडा नैथि मुलुग दावहायाव भारतखौ लोब्बा लाफानाय खामानियाव हेंथा होनायनि थाखाय न 'निफ्राय जायखारना थानो गोनां जादोंमोन आरो खालि गवालपारा जिलायावल' थानो गनायथि होनाय जादोंमोन। मोनसे समाव लहारआ गवालपारानिफ्राय स्रोदै थाइलिर

बिफांनि दिङाजों बुरलुंबुथुरनि बिखाजों दावबायनानै न'
मोनफैदोंमोन। न मोनफैनानै बिथाङा फिन उदांसि सोमावसारनायाव
बारसोमदोंमोन आरो जोबथेसालियाव थांनो गोनां जादोंमोन।

Bodo Medium